

# Una corria de fogu in su celu de Armùngia, segundu is astrofiscus iat podi essi unu meteoriti

S'otu de mesi de ladàmini a ora de is 21.53, su celu de sa Sardìnnia iat



pòdiri èssiri istadu surcau de unu meteoriti, chi fortzis est orrutu in su sartu de Armùngiu, in sa zona de Pardu Piga. Is telecàmeras postas acanta su Sardinia Radio Telescope e su Gennargentu, ant registrau su

fenòmenu. S'annùntziu est stètiu donau dae s'astrofiscu de s'Inaf Albino Carbognani in su giassu de Prisma, Rete Italiana po su Bardiamentu sistemàticu de Metèoras e Atmosfera. “Si si càpitat de passai in is padentis de Armùngia, - at scritu Carbognani – castiai po bìri chi agatais terra de colori nieddu: iat pòdiri èssiri s'arrastu lassau de su meteoriti de pagus centimètrus. Chi essi a capitai tocat a non fai nudda, non ddu tocheis. Podei fai sceti una fotu cun su telefonèddu e marcai is coordinadas e madai totu a su curreu eletrònicu a su Project Office de Prisma (prisma\_po@inaf.it), is espertus nostrus s'ant a torrai sceda chi est possìbili chi si tratit de meteorite e s'ant a inditai comentis ndi ddu ingolli ”

De custu fatu nd'at chistionau fintzas su s'indigu Antonio Quartu: "Non dd'eus a circai, est impossìbili a dd'agatai". Su s'indigu de Armùngia est realista. Su logu acanta si pensat chi siat orrutu su meteoriti est prenu de matas e est mannu 32 ètaras. Duncas est impossìbile a pensai de agatai unu perscedda de unu o duus centimètrus in mesu a cussu padenti. Su s'indigu po custu stòllerat a totus de si pònniri a circai custu ogetu extraterrestri chi candu est intrau a cuntatu cun s'atmosfera at pigau fogu e est seguramenti est torrau a nudda.